

Ufficio Stampa della Provincia autonoma di Trento  
Piazza Dante 15, 38122 Trento  
Tel. 0461 494614 - Fax 0461 494615  
uff.stampa@provincia.tn.it

COMUNICATO n. 1078 del 23/04/2026

Gerosa: “I ecomusees elemenc siantives de nosc teritorie da sostegnir e renforzèr”

## **Ecomusees: l é stat aproà l avis per i projec del 2026/2027**

[Ladino] La Jonta provinzièla, aldò de la proponeta del Assesor a la cultura Francesca Gerosa, à aproà l nef bando out al sostegn de la scomenzadives projetuèles di ecomusees che la Provinzia autonoma de Trent recognosc per l an 2026.

“Co l’aproazion de chest bando per l 2026, volon ge dèr n seghit e gaissa a na realtà, chela di ecomusees, che vel esser un di elemenc più siantives de nosc teritorie – à dit Gerosa – I ecomusees no l é demò i vardians de la memoria, ma i laboratories de svilup local olache l saer l se embat te l ambient e te la inovazion. Investir te la cultura vel dir creer te n model de crescimonia che pea via dal bas, che l é bon de fèr doventèr la tradizions e l’identità locala, oportunitèdes concretes per l davegnir de noscia comunanzes. Nosc obietif l é chel de sostegnir e renforzèr chesta rei, acioche l melaur culturèl seghite a esser semper n ben comun e n stimol per l leam sozièl te ogne val del Trentin.”

La scomenzadiva la é perveduda tel chèder de la Lege provinzièla n. 15 dai 3 de otober del 2007, che recognosc i ecomusees desche strumenc fundamentèi per l svilup local. Chesta realtàdes, sostegnudes dai enc locai, à na funzion fundamentèla tel recuperèr e valorisèr la memoria storica, la cultura e l leam anter ambient naturèl e chel antropisà, integran la politiches culturèles con cheles ambientèles, economiches e de la enrescida.

Per meter a jir l avis l é stat metù a la leta € 240.000,00- en dut. La ressorses, jà resservèdes con na deliberazion da dant de mèrz del 2026, les vegnarà spartides sun doi egn per arseguèr n seghit di projec:

- 144.000,00 euro sul an finanzièl 2026;
- 96.000,00 sul an finanzièl 2027.

Estra che i criteries del avis, l provediment à aproà i formulères che serf per portèr dant la domanes, per la domana de acont e per dèr fora l’ultima pèrt del paament. Duta la documentazion, tout ite l avis entriech e i formulères, la sarà a la leta sora n pech e da poder lejer sul sit istituzionèl de la Provinzia autonoma de Trent.

**Traduzion di Servijes Linguistics e Culturèi del Comun general de Fascia**

(cdt)